

月
滿
樓
詩
集

月滿樓詩集卷十七

元和顧宗泰景嶽

受業俞恒潤編輯

繫船集

壬辰

春初欲北上矣因室人病劇中止遂賦悼亡松舟駕言仍復繫而不行是歲詩經

爲繫船集

陳雲濤舍人招賞園梅未赴有作次其席上詩

韻

飄然初返潞河舟。小住江南溪壑幽。此夜捲簾春入坐。
梅花如雪撲銀鈎。

其二

消受輕寒輕暖。天愛撻吟興。讎花前。后山有句。猶須覓。
比似君才。孰占先。

其三

淡淡春陰漠漠苔。庾園雨過靜無埃。愁余短榻茶煙闕。
未得巡檐索笑來。

其四

暗香疎影譜歌中。白石風流寄小紅。却憶往時西嶼路。
虎山橋下繫吟篷。

首春將欲北游。因室人病劇中止。花朝日惘然。

有作

小滯江南阻薄游。茶烟短榻坐吟樓。百花風信常如約。
二月春光不可留。嬌女左家紫舊愛。病妻荀令纔新愁。
偏逢佳節真悽斷。疎雨重簾自下鉤。

甘夫人節行篇爲廉使胡雲坡先生作

光山鬱高嶺。紫水環清池。秀靈有特鍾。賢淑誕女師。維
公有賢媛。苦節傳遐徽。曰惟甘夫人。世闕承名楣。十六
歸東海。婉婉循蘭墀。姑嫜識婦德。滲漑供盤匱。相夫歷
五稔。兩髦傷我儀。慈幃亦繼逝。况又摧墳篋。熒熒撫幼
叔。家緒身肩之。阿翁宗伯公。于京凶問馳。兩世延一綫。
叔爲八歲兒。存歿賴一手。辛苦相扶持。撫叔保其身。飢

食而寒衣。勵叔懋其學。習禮而敦詩。維嫂實同母。叔長
依其慈。授室甫有子。後嫂歸宗支。清芬克振起。白雲邁
曹司外臺。歷廉鎮。出使欽光輝。嫂年已六十。就養方無
期。不圖痛薤露。念德重歔歔。今公蒞江邦。陳臬東南陲。
官齋每憶述。涕淚猶漣漣。小子仰懿行。孝友羣爭推。昔
者鞠鄭嫂。厥若韓昌黎。維嫂弗敢忘。喪服必以期。今公
念嫂恩。至性同厥私。一卷彤管錄。威仰永雪思。貞風重
金石。命校復何辭。惟表松筠節。永看千秋垂。

題陳秀巖覓句圖卽送其赴任越東

修。梧。不。碍。月。疎。竹。不。碍。雲。涼。陰。蕩。空。碧。灑。然。無。俗。塵。烟。

扉閉終日。匪徒寂見聞。哀收世外味。淡繹曾中春。尋求
脫意象。卽景皆通神。后山覓句後。芳踪有替人。

其二

才名三十年。祠賦滿京洛。東郡趨庭除。揚州憶官閣。

秀

平山堂絕句
一時傳誦

有語必驚人。又手雲烟落。飄然作仙吏。曹

掾名流托乞助。有江山行春向城郭。閉門却卧游風流。
對疎箔。

其三

既酌餘杭酒。更采凌江梅。南鄉美土俗。逸思春風催。行
矣赴五嶺。喜拓騷人才。風雅資吏治。傾作看花來。慚余

最落拓抱病羈蘇臺。別餘望驛使寄我新詩回。

次韻韓旭亭送耕上人

振錫飄然入遠山。蕭蕭竹迳掩重關。藥囊詩卷隨行脚。
流水桃花作別顏。僧向林泉總有分。天於風月不曾慳。
華嚴彈指他年約。何日田衣雲外還。

次韻彭西村清明前漫興之作

連宵春雨澹如秋。百五風光暗引愁。社後折花憐壓帽。
火前試茗愛擎甌。簫聲已聽吹蠶市。權影偏遲蕩虎邱。
遣興何當酬冷節。與君門韻研池頭。

關中歌贈王參軍卽題其畫冊

空堂鬱起關中陰。嶽色河聲滿欄檻。圖書萬壽萬里游。
磊落何年志登覽。參軍才地起凡儔。讀書擊劍大雅流。
少小曾懷舉五嶽。壯年意氣橫九州。玉山池館盛文史。
結客秦淮盡名士。一朝作吏去西安。得助江山自茲始。
江山奇傑推西秦。紫雲晝夜連崑崙。少陵駑車赤谷暮。
昌黎擁雪藍關春。參軍歌詩出邊嶠。名區一一供憑弔。
公餘飲酒遍搜奇。入陂度嶺發鷲嘯。潼關四扇曉日開。
龍門九折驚濤來。甘泉曲江楊柳合。驪山灞岸鶯花催。
有時遠獵榆林道。扶蘇寒角飛霜早。乘舟更破襄江烟。
陟棧尤穿錦官草。不獨東湖夜訪秋。楚蜀繡壤通詩郵。

文章。史事。兼歌詠。渭南風雨。消煩。愁憐。餘年來。住京。徂
軟紅塵土。浮名縛。終南太乙。寄夢游。安得攀松紫峯閣。
用岑嘉州詩。去夏我返吳山岑。君亦歸隱棲幽林。眎我關中
舊游卷。平生閱歷知雄心。雄心到處飛逸興。尊前醉述
傾清聽。便欲凌雲控斗城。攜圖却討西京勝。

安安先生歸自薊門賦呈

女壻湖畔柳如烟。天際初歸鶴髮仙。喜入香山聯舊侶。
別開詩國擅新篇。星輅遍歷江湖勝。雲閣重尋翰墨緣。
儘許畫屏傳好事。荷衣竹杖步花前。

次韻韓旭亭梅坡山塘放舟

白堤絲竹日噉糟。却羨良游泛小舸。管領青山兼綠水。
猶夷月槩與風篙。春臨上已題新句。寒入清明戀舊袍。
花滿鐵花巖畔路。酒罇買醉讓吾曹。

上已前一日旭亭和彭西村秋字韻詩中有
海棠香國占閭邨之句。却念往時卞近村。邀
集吳中名流。讌飲海棠花下。索詩紀事於今
閱五年矣。因疊前韻誌感。

愧搔潘鬢漸成秋。嘉會風流觸舊愁。樹發海棠紅滿逕。
酒傾石凍綠浮甌。花橋處士留殘閣。緩堂家兄葑水尙書剩。

故邨

歸愚先生

彈指五年憐往夢。明朝修禊又江頭。

再用秋字韻述懷

玉局休敲遜奕秋。一簾疎雨澹生愁。催春又見花千樹。
遣恨惟憑酒百甌。聞說謝公能陟嶺。亦知陶令慣經邨。
嗟余獨臥相如病。卓女清吟感白頭。

旭亭和余前詩兼詢近村又疊韻報之

相思一日度三秋。賴有詩筒足散愁。驚得佳章頻拍案。

醉廢清句屢傾甌。看碑約訪雲中寺。

時訂往師林寺讀
芝庭先生所撰碑

文兼訪鞞志容探林外邨。

旭亭方輅
小林屋志

若問羊求淹竹逕。

花枝空惜寄樓頭。

近村不來徒以
海棠枝見寄

落花五用秋字韻

不徒葉落要傷秋。春色三分半繞愁。花欲辭人初點席。
雨偏留客且持甌。幾灣流水迷前渚。一徑孤煙礙斷
橋。惆悵芳菲無可繫。忍聽啼鴉晚風頭。

內病

藥。椀。茶。鎊。伴。錦。茵。懨。懨。不。奈。困。殘。春。曉。風。陌。上。千。花。淚。
夜。雨。牕。前。百。病。身。情。憶。別。離。前。歲。夢。語。關。生。死。暫。時。人。
却。憐。我。恙。卿。愁。絕。慘。戚。紅。顏。祝。禱。頻。

芝庭先生歸吳賦句奉呈

雲。權。初。歸。天。際。船。平。章。風。月。愁。平。泉。鳳。城。帝。重。香。山。

老。去。冬。入。香。鮒。水。人。看。玉。局。仙。疎。雨。一。簾。裁。雅。什。清。香。

山九老

半榻檢殘編。竹胎初美。蓴絲滑。常許門生奉講筵。時以蓴筍

二物奉寄

食蓴菜用東坡春菜詩韻

莖搖雉尾方二月。柔嫩那羨山中蕨。鱓脂魚髓畧可方。
水絲入手水晶滑。小住江南論鄉味。生韭豐肥辛芥辣。
惟有紫蓴絕可憐。吐湖千縷涎一抹。龍公昨下鮫人潭。
割却蒼髯解銀甲。但覺綠波瀉冷光。不知芳種波心茁。
笑糝鹽豉作湯羹。風人采芣足剖說。春宵下箸怪季膺。
歸待秋風始擺脫。

此君行樂圖爲雲坡先生題

蕭然素絹見清影。開出一片瀟湘。秋萬竿修籜。玉寒
寄意欲仿文湖州。此君相對幽興發。怪石龍巖。憇林樾。
涼。罪入座散晴烟淡。翠橫窗倚山月。公本畫省翔鸞人。
星輶出使周三秦。韋曲繁花供按部。玉門楊柳看行春。
檐帷却轉江南道。半壁揚州民惠保。曉森檠戟凝清香。
夕動麾幢偃纖草。公餘簡牘霜風清。疎簾碧簟開前檻。
韋公竹亭。那足羨。獨喜拂耳蒼龍聲。來往白雲不可狀。
瓊瓏千尺青冥上。綸巾羽扇談笑生。真與此君同趣向。
悠哉此君清且肅。丰標凜凜超凡俗。虛心勁節鑒孤芳。
霜雪襟懷在洪渙。卽今出眎琅玕圖。常容高閣依玉壺。

儒立頑廉得砥礪敢於癖作烟霞徒

漫泉秋釣圖爲關中雷松舟參軍題

漫泉泉上秋風清。漫泉泉水秋波明。楊柳陰垂釣竿下。幽意直欲尋鷗盟。參軍吏隱今詞伯。繼世芬芳紹先澤。關中鬱起盛文章。清吟每擅騷壇席。華嶽蓮花掌底開。洛南渭北烟雲來。內史山川縱揮灑。天教拓筆抒奇才。一朝作吏辭邱壑。古來曹掾名流托。愛向江南覓水鄉。依然拄笏臨江閣。有時書畫泛米舟。泖湖笠澤常淹留。幽尋鄧尉梅花夕。爽眺橫雲木葉秋。嘯志歌懷寄心賞。羨鯨江漁脫塵鞅。願伴綠蓑青笠翁。嘗作細雨斜風想。

與君結交垂十年，詩情酒分尤纏綿。兩度京華夢想劇，
歸來喜接詩人顏。披圖如過樊川曲，漫水流泉看不足。
何當着箇五湖人，同坐花汀釣寒綠。

爲虞山和尚題侍師圖二絕句

雲中卓錫住花宮。

和尚爲蓮公法嗣，近從江北來主席。

問法三峯衣鉢同。

真是達摩傳慧可，一聲獅吼證天空。

其二

白雲紅葉共題詩，社結香燈憶往時。

去年訪蓮公於三峯下榻，寂照堂歷

採山中勝處，相與偈酬累日。

倘許虎頭參妙諦，願同析理叩吾師。

詩佛理賞玄師，當時庚七。玄師談佛理有可賞者。

偕同學諸子三泉亭納涼

綠陰如幕蔽疎櫺。好淪清泉汲短瓶。涼不因風山作榻。
暑偏忘午水爲亭。人來北郭幽襟散。會續南皮遠屐停。
却憶漪瀾堂畔路。微吟常對九峯青。

計菴庵招遊西塘貝氏園有作

宛似江湖皮陸蹤。籜冠紗扇有遺風。橫窗山擁涼雲碧。
列檻池收夕照紅。此地林亭足小有。吾人興趣畧從同。
他時更訂西湖去。一棹蘇堤烟水空。

穹窿山靈芝歌

空山一夜紅雲蒸。瓊盤金漏日月精。赤松失色石脂裂。

祥芝苗地標其英。天台之岑句齒頂。往往龍仙紀清挺。
異瑞乃山穹窳峯。嘘嘘神光發華穎。正月九日雲景開。
金支翠葆紛璠璣。窅窅都荔草木茂芬哉。靈貺從天來。
旭射黃人霞布紫。疊閣重樓徑尺起。翔鸞翥鳳輝四空。
若有霓旌下山趾。一莖光照千仞山。陰陽雨露滋仙關。
三茅二許星官攀。天生瑤草天不慳。道人得之驚且喜。
羽服煙裳拜前陛。芝田芝圃說仙都。如此神靈世有幾。
作詩却羨香山翁。傳來異事嗟天工。何日同扶紫藤杖。
三秀叢邊看彩虹。

程東冶陸梅垞宋秋厓各以思親詩彙爲白華

集屬題得四首

一院梨花昏晚烟。臨風灑淚寫新篇。九齡我亦嗟無母。
烏鳥銜悲三十年。

其二

陔南出入眷芳辰。春露秋霜各愴神。百物人生總可致。
最難全得是雙親。

其三

至性纏綿結寸腸。白華歌裏痛彌長。風人莪蓼同哀苦。
東督何須更補亡。

其四

竟牀長。輦悼。亡詩腸。斷春風。穀雨時。嗟我無人同。潔。騰
讀君佳句益增悲。

白堤餞別朱南橋同年任來安學博

綠楊深處泊蘭舟。錄別桐橋小逗遛。八載鶯花依上苑。
一官山水赴滁州。王家筆格豐碑在。歐子文章峩閣留。
此去門生多載酒。薦雄終向鳳池頭。

雲坡先生念嫂氏撫育之恩。奏將告身。貤封兄
嫂。特旨俞允。撰樂府六章以頌。

聖孝備。惠恩覃。大錫類。膏露涵。推封軫。臣志報德。願勝
緘。上達祖。禰旁暨昆弟。祖禰德可酬。同父乃一體。愴念

長養恩。纍纍雪。清涕不見。鸞章鬱黃光。山門清芬風。

厲昭人倫。

右一章章十四句

光山高以崑。下有紫水清。且深地靈毓。德綿徽音。方伯

公

時著方伯

邦之則。繼宗伯。孝家而忠國。吁嗟父母逝。八歲

爲弱息。上高堂。鞠有兄。

叫

兄早亡。孤兒無母。旁皇無母。

有母。賴嫂氏。殷勤撫育。視如子。視如子。慈可恃。

右二章章十七句

慈可恃。焚形影。依窮廬。析有衣。襦。盜有斗。儲大嫂。與叔共糜餽。上念先人遺。謨。勉教誨。勤讀。晉用得。恢于。

而家叶慨然謀窳窳公姥十年奠宗祜大嫂身荷之清
流塋穴安精魄歿者寧存者憐微嫂誰扶掖

右三章章十五句

扶掖其勤。叔爲甫申。夙憲秋官。秉節西秦。旬宣來惠。吳
人吳人。仰使君威。望高蒼旻。揚鑿何煜爚。遐矚道帷幕。
黃金絡錦駟。碧幢擁春郭。使君何樂。使君不爲樂。惟用
追先德。緇嫂慈日昃。退日常歔歔。清節標天地。國人其
知之。

右四章章十八句

脊令飛飛。原上棲晨烏。啞啞枝上啼。百物懷本根。仁孝

月
弗敢忘。孩提鄉里白大吏。大吏夙請旌。聖世逢曼壽。
一。秦矢精誠披肝膽。格神明。官階願封嫂與兄。天子。
曰。俞軫其情。恩格外彰。幽貞幽貞用彰。孝思孔長。芬哉。
嘉懿子孫保光。

右五章章十七句

煌煌封號。兄其膺之。赫赫錦章。嫂其承之。我嫂劬勞。匪
曰報于崇朝。惟 聖仁之宜昭。嘉名廻邀。方朔陳書。長
育。自少。聿有。謝傳。敬謹。克效。自古在昔。徽美同耀。維公
古誼敦羣。知倫物尊。地下父母。兄嫂。罔不懷 國恩。
國恩永無極。風世興民德。

右六章章二十一句

題吳竹橋湖田書屋圖

雁聲清唳入遙天。萬綠垂楊覆野田。人似次山瀟灑甚。
杯湖退谷著新篇。

其二

畫圖彷彿近荆關。最好栖遲十畝間。他日訪君琴水曲。
白雲紅樹看秋山。

題張菱渡雲灣聽泉圖

幽棲端合住江南。畫出林巒滿素縑。終日白雲灣裏坐。
翠爲屏障水爲簾。

其二

謝向深崑勞涉歷。陶從遠谷解盤桓。不須動搯得琴響。
拂耳天風送籟寒。

袁漁洲招集團中文讌卽席有作

西塘雲水幽。江楓落寒葉。爲訪伊人廬。悠然鼓蘭楫。窈
窕到門前。入逕烟蘿接。陶壑與潘園。揭來清興愜。
園林最超絕。清遠隔市城。空潭漏日影。高閣流風聲。西
山攬十二。雲缺窺遙青。延佇不能已。冲賞移我情。
主人旣風雅。多情愛敬客。客多坡谷流。譚詩盡入席。細
品宏景松。肅拜米顛石。停雲有所思。風流嗣今夕。

逸少可以序張爲可以圖昔賢盛文史良會不可無竹
間快解佩花下欣提壺願言倒接離狂歌醉可夫

題陳見庵進士空花幻影圖

圖爲其卜
姬珊瑚作

仙品應教比木難春風絳樹怨摧殘
簾旌憶煞珊瑚女文采鈎垂青瑣寒

述異記光武時南海獻女珊瑚
杜詩飄飄青瑣即文采珊瑚鈎

其二

三歲風情伴玉臺非瓊妙選本蓬萊
主人出品高金谷碎寶寧關如意來

韋應物詩絳樹無花葉非石亦
非瓊世人何處得蓬萊石上生

其三

香幃彷彿夜來遲刻盡茗華夢玉姿
魂斷盧家空挂鏡

金斂髮影苦相思

梁元帝盧家少婦歌
珊瑚挂鏡爛生光

招肖巖許年伯白雲高儀部讌集小齋時儀部

將入都席上賦詩贈別因次韻二首

客冬乘興訪橫雲官閣梅花接使君小別一年重話舊

相逢十日又離羣

去年余遊華亭長至日飲於白雲官署今又適值長至儀部詩去年長至

君過我長至今年我訪君小別一年重聚恰當令節便成佳話矣

清詞蜀水奔流峽健

筆秦圍倒却軍不奈雅宗歸上苑深杯餞送倚紅墀

其二

蘭香畫省羨春卿元度高風更共清均此文章傳上第

並將經業著寰瀛岷江漢水原同派

時談江劉井柯亭
漢源流

有老成

儀部向從翰林出宰許秋巖同年
新入詞館時談前後輩行故云

從此京華天

尺五何時聚首慰微情

輓外翰王爽峯先生

講席追從三十年。夢回旗鶴望遙天。教如春水流逾遠。
德比甘醇味最全。京口去舟悲曉月。長洲舊舍怨寒烟。
遺文好繼青箱業。正賴槐堂後起賢。

嘉平十日琴月山房聯句同雲坡先生暨令姪

西山會稽陳月泉仁和俞西溪

銀燭燒殘夜未央

雲坡梅花時節醉清觴

星橋飛文並擅高

齋勝

山入座爭分燕寢香

泉研北題襟欣促席

西牕西

剪燭快連牀

雲坡

外臺風雅元和體

月泉

會續蘭亭逸興長

星橋

元微之爲浙

東廉訪有蘭亭雅集

其二

大雅扶輪此一時

八月踈簾清箏漏聲遲

星橋

愛教南國封

棠樹

溪

間憶西關寫竹枝

雲坡

鶴舞訟庭才散吏

西

月斜

吟閣更論詩

星橋

張爲主客圖休諧

月泉

江左風流得我師

溪西

題岑雲泉秀野圖卷

煙柳絲絲漾麴塵。花如紅雨落幽津。知君消受溪山樂。

那羨桃源記裏人。

其二

石闌小坐愛雲泉。彷彿東風料峭天。聞有佳人錦半臂。
閒情應寫衍波牋。

嘉平二十六日雲坡先生嫂氏甘淑人告封至

是夕讌賀官齋卽席有作

清宵香寢繞祥烟。紫誥初從南國宣。苦節每經寒臘後。
新恩恰到早春前。嫂深燕翼慈同母。帝鑒烏私德
比天。一疏陳情燈下讀。昌黎異代並稱賢。

其二

海內光榮孰比倫。清門遺澤久彌新。一家全受三朝眷。

兩世追懷卅載春。玉砌梅花供宴賀。瓊林竹葉醉嘉賓。
來朝盛事傳鈴閣。化遍仁風江上民。

月滿樓詩集卷十八

元和顧宗泰景嶽

受業范來泰編輯

倚閣集

癸巳 甲午 自辛卯潞河返棹息影江廬

是秋光山雲坡先生來陳臬吳門招邀賓席
因下榻于署之琴月山房講經論詩藹心暢
敘名流至止者相與剪燈式燕又因 上徵
天下遺書當事開局郡城余隨芝鹿先生甄
綜篇帙如是者閱三年斯文商榷方有至樂
一切雞蟲得失付之寒江高
閣也所得詩編爲倚閣集

謝漢生進士嵩山踏雪圖

青蓮昔日訪少室。三十六峯凌律翠。洞天天近煙雲多。
仙才揮灑驚人筆。謝公蠟屐出宛南。登封北去供幽探。

高懷太白萬古宅。嵩陽取徑窺層嵐。疎松半嶺方積雪。
拂衣冷踏瓊瑤屑。玉女臺前翠竹寒。達摩洞外梅花絕。
平生結想陟五嶽。羨君宦游興超卓。却憶東征攀岱巒。
雞鳴曾叩天門角。

保礪堂總戎見過越日造訪奉贈用少陵重遊

何將軍園五首韻

當今數風雅。儒將愛詩書。却枉平原騎。來過仲蔚廬。清
思揮鳳羽。健筆掣鯨魚。心折驚人句。何當問隱屠。

其二

昨誦華山什。詩中景物移。雲寒排鴈字。林脫露鴉兒。小

憇紅墻寺徐臨碧水陵天池聽磬晚策馬過秋籬

有清磬一

聲何處響丹崖
僧在最高樓句

其三

每有聯吟興。同官駐節時。蘭亭朝選韻。香寢夜談詩。翰
灑三秋露。詞工五色絲。江山供嘯傲。彌愛菊花期。

其四

戟粲今專闔。公餘幽趣長。花前催酒戶。月底試茶槍。清
話看揮塵。閒書憶夢梁。吟壇真少敵。高意寄軒皇。

其五

載酒湖山久。江南二十年。多緣慚翰墨。有興望雲泉。風

轉滋蘭畹。霞添種玉田。摘文歸大雅。向。往。意。悠。然。

孫筠坡齋中賞菊分韻得采字

一夕秋風深。黃花綻寒蕾。願言山中人。薄向籬邊采。采
采勞芳心。英英賞真宰。開軒集名流。引觴酌酒海。對此
凌霜枝。塵客亦爲改。人淡欲無言。月斜如有待。相偕慙
素襟。彭澤風流在。何必白衣來。追歡自千載。

和保礪堂總戎遊華山四絕句

重林霜染襍丹黃。取次探幽曉色蒼。好倩營邱傳妙筆
秋嵐畫出潑濃妝。

詩成走馬出煙扉。翠礪山行石徑微。人在層巖秋可愛。
滿天寒翠拂衣飛。

其三

秋葉何曾惹暗愁。山如華萼路通幽。停鞭舉目殘雲外。
雁影斜過一角樓。

其四

十二春茶墨五圓。愁從山閣一憑欄。誰知使節閒吟眺。
人當詩人一例看。

題梧園茂才吳門遊草後

九龍山畔險詩客。小住昌亭又幾年。三百紅橋萬楊柳。

含情題徧夕陽天。

其二

蕭蕭暮雨坐江樓。清夜懷人到虎頭。根觸曉風圖畫裡。
菱花萍葉送行舟。

往時皇西津錄別圖辱贈
近又跡江樓坐雨見懷詩

懷盧生梅嶼

門外寒流共一溪。別來不見想幽栖。人緣多病塵逾遠。
詩到言愁格不低。疎雨聽鐘蕭寺北。秋風對燭小樓西。
巽游回首情如昨。何日同吟續舊題。

懷劉生遜圃

瓜館思君倍惘然。彥和才調劇翩翩。遙越遠人千里。

疎雪梅花春五年。東府蕭郎叨飲餞。乙酉庚寅兩年入都遜圖偕同人爲

余餞

別園林何氏愛詩篇。

尊人爲參戎雅知余癸未歲命來從游

婁江今夕

滄波渺爲望移情一刺船。

長至日雪後岑雲泉唐味蘭招同履庵方伯雲

坡廉訪兩先生暨官閣諸君讌賞賦詩以日

光繡戶初添線雪意屏山欲放梅分韻拈得

雪字因憶歐公雪中約客賦詩禁體物語東

坡聚星堂詩繼之用韻恰合因亦仿汝南例

借次其韻亦用禁體思淺才拙何敢攀望昔

賢聊以紀一時佳會爾

窻前寒透竹柏葉。天風浙浙降。瑞雪小雪大雪。雪未甚。
雲飛長至。倍清絕。才多儉。府筵初開。筆爛江花心欲折。
銀瓶長瀉酒拍浮。筠簾深蔽香不滅。使君當今兩坡谷。
吐詞北海鯨魚掣。驚賞天花積素岑。同寫春光滿林嶺。
聚星韻事重汝南。禁體新裁鬪弄屑。又續騷雅此一時。
誰謂韶華去如瞥。奇麗不止四十年。風流再許吳儂說。
獨教廣和愧郢吟。敢誇持管能屈鐵。

輓慮生梅嶼

輕霜一夕催蘭草。太息芳菲摧折早。造物于人每忌才。
有才無命復何道。嗟子能文抱雋才。翩翩風度超塵埃。

已游泮沼香芹采，骨拔詞場赤幟來。平生尤喜就佳句，
遠韻深情寄豪素。秋臨碧水寫殘烟，春倚紅花題淡霧。
從余却托葭莩親，問字殷勤結契真。望衡對宇往來密，
門前咫尺通溪津。憶昔風流諸子跨歌懷，嘯志才稱霸。
山徑寒雲落葉天，書樓疎雨挑燈夜。良遊切琢每不忘，
玉川忽逝悲彌長。公幹音書亦杳隔，遂圖茂才去，斯以
惠休篇什同淒涼。晚峯方外歿後，
余爲定其遺詩。四方上下逐何許，星
光落落徒延佇。洞庭波冷渺愁余，西風殘淚揮清塵。

正月十三日蔣梧巢明府招同陳雲濤吳蠡濤

兩舍人家景園主事燕集繡谷卽席出眎秦

游楚游詩稿因走筆賦贈

人。生。萬。變。煙。雲。流。獨。有。此。事。傳。千。秋。吳。中。風。雅。推。繡。谷。
清。芬。不。滅。名。長。留。驚。才。逸。抱。今。蔣。侯。詞。場。跌宕。招。朋。儔。
一。觴。一。詠。繼。夙。昔。酸。醜。嗜。好。與。俗。讐。桃。花。溪。水。通。芳。洲。
春。風。搖。蕩。生。簾。鉤。沈。沈。漏。轉。夜。醉。客。橫。飛。清。興。驅。百。愁。
酒。酣。壯。說。秦。楚。游。游。踪。宦。跡。供。討。蒐。憑。陵。白。日。開。雙。眸。
詩。豪。拓。筆。江。山。遒。遒。關。嵯。峨。華。岳。峻。黃。河。九。折。天。西。頭。
勒。轡。看。雲。駿。馬。健。貫。矢。倚。月。雕。弓。鯨。一。朝。作。吏。迴。荆。州。
襄。波。漢。水。乘。飛。舟。魚。龍。寂。寞。弔。赤。壁。斗。星。開。朗。登。南。樓。
詩。人。遊。宦。亦。有。數。合。以。勝。地。催。歌。謳。精。氣。耿。耿。窮。鑄。鏤。

驅迴奇險囊中收。卽今歸來憇林壑。又將遠出鳴騶駟。
花枝酒海意磊落。開筵上日作唱酬。當年勝賞三徑幽。
珠盤高會多枚鄒。交翠堂開圖主客。至今詩卷同琳球。
每逢歡宴數往事。流連餘韻心悠悠。辟疆水繪草又歌。
石林縱棹花空稠。我過淮南發深喟。歸然此地蓬萊邱。
蔣侯蔣侯獨繼起。直以騷雅承貽謀。臨風一嘯申吟嘯。
皓魄滿地金波浮。來朝君向習池去。卽日仍能彼似此。
風光不至楚

攝山絕句八首和雲坡先生

曉風旌旆出林椒。路曲雲重度野橋。郭外探山山色遠。

好逢佳處一停鑣。

其二

春郊平碧徑迢迢。江上梅花芳信饒。到處試燈憐歲稔。
踏歌聲裡遍元宵。

其三

尚憶當年捨宅蹤。繖山青似佛頭濃。月華如水人初到。
響落雲天半嶺鐘。

其四

妙因偶爾訪菩提。何必談元牕外雞。芝蓋花間尋曲磴。
春晴興寄翠微西。

其五

崇巒巧嶂入松阿。萬樹寒風卷翠蘿。曾冒六朝霜雪古。
夜濤聲入大江波。

其六

總持詩裡推靈妙。幽處探幽更絕塵。石瀨竹陰藏古寺。
此間只與白雲隣。

其七

曾否南宮舊品題。江雲湧處石痕齊。依稀員嶠峯頭錦。
寫入詩囊一手攜。

其八

可南其詩集 卷下八 倚閣集

月清樓詩集 卷一
駐節高吟第一峯。揮毫天際埽凡庸。檻前江海歸襟帶。
縱覽雲煙夕照重。

雲坡先生琴月山房重讌牡丹詩 有序

選勝花晨。尙思前度追歡月夕。又數今番。伊
被襖之初過。欣牡丹之乍放。公庭事暇。評絢
彩於仙葩。官閣風清。賞雲芳于艷品。儘看高
張翠幔。直教亞倚雕闌。可喜者。列嬌粉之千
叢。所異者。訝殷紅之一朶。崇朝特箇。忽擡舉
於霞光。三載未逢。偏橫陳於雪影。仿髣于京
院裡。香袖斜臨。依稀謝氏堦前。紫囊側出。主

人則停眸而笑。坐客則注愕而驚。何處丹英。忽來瓊宇。憶去年玉佩金裙之句。先爲今夜偷春。兼此際姚黃魏紫之芳。早自前詩作識。斯真一時佳瑞。堪爲四座美譚也。昔者魏公遙鎮廣陵。芍藥特誇嘉讌。花凝金帶。人兆沙隄。亦紅麗之偶開。遂平章之同領。今承秩宗舊澤。人高廉鎮。薄名寄幽賞於蘭輝。羨勝姿于碧砌。蒂蔽豈無棠蔭。愛從小卉。看春安排。亦比梅花好。向仙枝卜吉。追韓穉圭之勲業。江干並識使君。裕陳賜叔之聲名。幕中定多。

佳士卽此。後先媲美。更覺風景增華矣。月之
五日。宴設高衙。締新緒於春餘。續舊懷于夏
首。觀紅蕤而挹采。迎繡纈以生香。銀燭燒時。
芳樽爛漫。寶簾捲處。綵筆繽紛。並促坐以賡
吟。各分襟而疊韻。盛事則公先作記。重添芳
譜於歐陽雅懷。則客盡題篇。好注佳名于康
樂自慚下里。聊綴五言。從此畫入丹青。補鞞
紅于侍史。裝成綺錦。壓玉蕊于高軒。彌聯文
翰之緣。翠羨休徵之應。

鮮露湛銀盤。濃雲護金卮。天葩拆異苞。風光逢上已。去

春賞芳菲。式燕醉醪醴。花多百葉仙。羣玉看不已。今朝
一捻紅。旁枝爛霞綺。勻脂艷全凝。霏丹香半委。依稀粉
黛中。紫袖當風靡。流連愛芳英。幽玩坐長晷。韻事坐中
派。追歡遍珠履。

其二

往者韓魏公。開筵有四子。金帶綴紅藥。佳兆天寶啟。鈴
閣綻名花。碧闌燦華蕊。橫凌玉雪姿。忽照珊瑚綵。一枝
豈讓芳千古。却媿美良夜。續飛觴。同人奉樂愷。何必簪
組遊。襖飲羨洛浹。高詠金樽詩。風流遇三載。花瑞卜槐
廳。休嘉應萃止。

贈周樵林八絕句

彷彿當年投轄風，留賓每譙小樓東。
花枝酒海人宜醉，遙夜飛觴燭影紅。

聲華此日滿詞壇，珠履庭前結古歡。
依舊西園傳雅集，翩翩人物畫圖看。

六家選就篋中詩，最愛微之與牧之。
君有六家詩選更願同君

常載酒。昌亭楊柳拍新詞。

綠波倒映夕陽低，往日秦淮煙艇齊。
却憶小姑祠畔路，秋風連袂出清溪。

七里山塘日夕過，雲英重見更如何。
江南不是耽遊冶。

愛聽蕭蕭暮雨歌

宛轉檀槽金屑文。抽絃度曲按斜曛。若教捧硯揮詩筆。
誰是花前舊紫雲。

寒風初動綺幃斜。玉盞春回興寂賒。不許黃丞逃席去。
醉將一笑索梅花。

冠蓋聲香集汝南。一時酬唱劇清酣。燈紅酒綠風流甚。
聽取當筵揮麈談。

和袁春圃觀察圖山修禊二絕句

百頃澄波鏡面開。停橈指點綠楊隈。圖山比似蘭亭好。
修禊還傳畫本來。

戶清相言集 卷一
望裏遙山翠欲流。茂林修竹集朋儔。使君坐愛春光暮。
自有閑情付水鷗。

千尺雪有懷趙凡夫

萬綠起寒色。入門飛瀑聲。流從千尺下。水瀉一溪明。坐
石除煩想。穿雲動逸情。凡夫岩壑好。小隱緬平生。

登華山

身入芙蓉萼。千盤仄徑深。輕衣涼翠積。短屐晚雲侵。別
欄通幽瀑。重林度好禽。舉頭天路近。曠望暢虛襟。

遊程在山逸圖

物外栖遲處。士心天然邐。堅借蒼岑。湖雲繞。擗披衣坐。

山翠當牕挂頰吟。品似凡夫堪靜寄。地分鄧尉足幽尋。
名園却引清游興。緩訪柴門月色沈。

花西芳徑隔塵氛。曾覩空山宗少文。賓客偶來共野饌。
妻孥偕隱戀閒雲。連峯高閣開屏障。近水平臺俯練紋。
別後未能常蠟屐。三春風月總思君。

有竹籜席上賦蒙山茶

去年高齋陽春茗。喜得新芽致龍井。兩前火前不足稱。
特號明前著奇穎。今年又覩瑞草魁。龍陂鶴嶺非良媒。
雅州絕品真第一。封題遠自蒙山回。蒙山之頂雲霧積。
驚虵駭獸斷人跡。春雷裂石開晦冥。偷取人工入險窄。

片花得少亦足珍。遠方特寄巴蜀春。開緘蟬翼十數葉。
臨風直欲飛輕塵。誰共煎之漫飲啜。先生手搗賞清絕。
隱囊筠榻出示人。陸子茶經復何說。先生愛詩如愛茶。
獨領新異揮瑤華。黔皙美惡究墨妙。東坡推論良非謬。
先生愛茶如愛士。真才既得不去齒。仙人蛻骨有神契。
季卿息傲亦徒爾。此茶此品超尋常。却逢知己傳芬芳。
欣賞移時清漏轉。想搖竹影滄風長。

登烟雨樓作

滌湖澄碧漾輕波。芳草迎舟一棹過。天際樓臺如是少。
南烟雨。此中多。橫看孤塔連蒼樹。低鷓空磯擁綠莎。

猶有風流題碣在。香山老筆足摩挲。香樹齋大傳多石刻

聞川道中

風烟百里過聞川。人倚蓬牕欲暮天。極浦分餘霞氣合。
芳堤缺處月波圓。筆床茶竈留清興。鱗舍魚庵結淡緣。
他日卜居何處好。垂虹亭畔最幽偏。

月滿樓詩集卷十九

元和顧宗泰景嶽

受業方聯聚編輯

杏園集

甲午乙未 余於甲午冬初入都適臨清道梗賊匪滋事暫止于秦郵者匝月事平北

上乙未春獲捷禮閣合前後所爲詩名杏園集匪詔看花聊記省壁云爾

十月十一日同席紫山張凌雲胡樸齋連轡出

高郵城登文游臺有作

百尺高臺倚碧天。臺頭觴詠憶前賢。地當淮海東南勝。人接風騷六百年。極浦波光銜斷靄。遙村樹影散寒煙。孟城訪古紆游騎。記取同陰拂玉鞭。

太史夏禮谷先生暨令嗣鶴泉先生令孫澹人

同年招飲於半舫齋出脉詩文全鈔賦長句

奉贈

蓬壺仙望近來無。

先生以丙辰召試博學宏詞入詞館至是年七十有九

洪與文

章作楷模。太史采風周楚粵詞宗振筆接韓蘇。山中弟子籃輿導花下文。孫鳩杖扶東帶見時慚。接引領心長此戀珠湖。

楊謙山農部主珠湖書院講席晤時出脉登文

游壘詩四首屬和次韻却贈

十載孟城遊今朝上此壘昔賢留勝事我輩重低徊海

氣連雲。遠湖光。抱郭來。願携樽酒至。終日眺林隈。

其二

曹司風月好。仙客且歸耕。却載淮南酒。從游托友生。依然珠照夜。光彩碧湖明。講席橫琴處。如聞雅頌聲。

其三

暇日臨高榭。晴空矚遠郊。千帆飛樹杪。雙塔挂雲梢。定覈詞先劇。搜竒響豈聳。竭來容門韻。野翮愧鷺巢。

其四

我愛熙豐蹟。重捫碧宇寒。風騷如可作。幾度過江干。耐可追賢達。何須羨美官。凌雲長嘯去。驚破雁聲酸。

過寶應不得再訪縱權園有懷喬慕韓

記得白田路。重過又幾年。青帘沽酒店。碧柳打魚船。文藻慙詞客。風流緬昔賢。名園堪縱權。秋水隔寒煙。

淮陰道中作

甲午九月吾北遊。蒲帆直泝清江頭。山陽風物始蕭瑟。蘆花楓葉併作秋。昔年此地數逗遛。冬雪春柳無停舟。枚臯宅前每拓筆。劉伶臺畔常傾甌。竭來彈指歷三載。江關遠客辭南州。飄然書劍自此去。回看鄉縣添新愁。今秋水溢黃河阪。淮城不閉通淮流。大吏方當民瘼求。西風滿澤哀鴻鳩。

初發王家營過魚溝道中二絕句

此是江南第一程蕭蕭又聽馬鳴聲。吳關千里初回首。
青入遙天樹影橫。

其二

望中煙靄隔蘇臺。欲寄音書手自裁。昨夜初寒逢小雪。
驛前應有早開梅。

將抵宿遷作

望望鍾吾澤。蒼然夕照開。煙寒依老樹。雲薄露遙山。
至此微見遠山。此地分徐土。爲程入楚關。敢追題柱客。駟馬異時還。

峒崕

馬首衝寒處。低巒獨曉行。石橋從澗轉。野楚與雲平。江
盡南來路。山通北去程。却憐前度日。風雪若爲情。乙酉
一月北上從峒崕抵
紅花埕走作城一路

紅花埕

春風果否紅花綻。冬日多添黃葉酣。一上埕頭窮遠望。
白雲深處是江南。

郊城

舊事傳郊子。當年記問官。至今城邑古。過客幾回看。遺
廟紅泥落。斜溪碧水寒。流連征轡緩。欵帽度林端。

沂州道中

問渡沂河曲。清波澗客衣。旭寒林尙凍。霜冷雁初飛。光景頻經歷。風流說詠歸。更看遙岫好。東去翠痕微。

過大峪嶺

昨自伴城來。山勢多起伏。茲嶺爲大峪。哀然具礶谷。若欲稱長雄。踞此引羣服。抵嶺夜方半。明月照林麓。陟磴折而遲。下坡斜而速。馬駛若乘機。無地可停蓄。豈必太高危。卽此心震肅。我行亦已屢。惴惴恐不足。何止行路然。冰淵君子獨。

青駝寺

山中開異境。古寺說青駝。小澗明殘穀。低峯染細螺。人
家雲際有。客騎樹邊多。振觸江南感。凌寒幾度過。

自雙墩至梁莊道中作

入魯層嵐翠不窮。長途落落晚寒中。湖名艾子孤村聚。
寺說青駝曲徑通。沙底馬蹄如踏雪。山尖客帽欲迎風。
年來慣歷行人况。收拾詩囊愧未工。

蒙陰

沂水邳來合。蒙山實控之。附庸分舊壤。崇祀有專祠。煙
重村墟樹。風寒酒店旗。城南聊憇止。魯俗動遐思。

敖陽二絕句

三溪兩溪水十里五里莊山行石壁确日斜下敖陽

其二

茆屋白雲補石橋黃葉封山青青不了天際高低峯

羊流店謁羊太傅祠

緩帶輕裘想舊儀依然雲逕有遺祠羊流店上重瞻謁
何必山頭墮淚碑

其二

風流名將傳西晉社稷功臣重漢襄髣髴千秋亦戀此
至今清望溯南陽

徂徠山 崔家莊對面

往年過徂徠。積雪如瓊臺。今年過徂徠。蒼秀真容開。古
松登翠幾百樹。雲中疑有仙人栽。我來可望不可卽。髣
髴元鶴招蓬萊。昔者李太白。歌嘯攄天才。攀偕六逸此
中住。竹溪日醉傾金罍。謫仙一去渺何許。高山寂寞何
有哉。今我北去西風催。雲巒挂日猶裴回。何當携筇陟
山頂。拱揖泰岱俯視空塵埃。

泰山

終古巖巖此岱宗。翠巒聳處接璇穹。迥扶紅日干盤上。
小視黃河一帶中。肇域魯齊尊巨鎮。醮壇秦漢表豐功。
書裁封禪何人筆。客馬西風倚碧空。

泰安至張夏一路山石犖磽高低起伏頗不易

行詩以記之

永日行山中北穿翠微去岡巒不一形取徑多錯互亂
石紛如拳磊磊不計數呀然旣填谿躑然亦橫路海神
何處鞭彌山此散布轉車盡岐軌采樵半迷步我馬行
孔難前却後又顧忽入偃仄途奮緣一線度峯回境少
寬溪水亘寒泓嗟哉行路難犖磽日又暮稍謀卽次安
精神猶眩鶩斯時閉門人卧遊撫絹素

曉發嶺山

客先鷄鳴起策馬高林間欲出未出日半盡不盡山濃

雲若迎曉亂石多堆頑我行殊未已無暇捫松關

崗山多松

開山

開鑿何年借五丁巖巒古道接云亭回頭遠樹千重碧
挂眼睛天萬仞青薊北貴游多舊雨江南書客抱殘經
此行指日春明路且愛衝寒看翠屏

齊河

豁然山路盡到此是齊河形勢雄東海封疆溯祝阿魚
鹽求市近雞犬比閭多橋畔重過客臨風一浩歌

晏城

爽塏何勞卜專城昔特頒勳名高國上友誼札僑閭里

舊仁人處風微。君子攀寒裘。頻過此。幾度式齊關。

平原行

西風蕭瑟落葉黃。客行走馬淒以涼。一鞭已入趙州境。
蒼茫四野垂斜陽。我生有志寄四方。十年于役更星霜。
卽今辭鄉赴北國。行處跌宕詩酒場。昨朝高山恣登陟。
今夕平土爭騰漲。隱隱秦岱積方寸。一杯欲澆塊壘腸。
吁嗟乎。平原結客在知己。買絲欲繡誰能忘。當今豈無
脫穎輩。遺風追想猶慨慷。

德州

層巒回首隔遙空。安德名區指顧中。四國車馳爭大路。

一州表立引。同風。德州乃諸省人都合路處霜林點破寒。鴉黑雲郭。開迎落日紅。最我年來于役慣。鞭絲帽影古橋東。

河間

寒擁征裘朔朔風。武垣古道接長空。雲遮樹影安陵北。目送波光瀛海東。散籍賢王求最備。多錢姹女數彌工。隨徵往事俱堪述。感入蒼茫客緒中。

任邱二絕句

西風桂樹巖。涼露蓮花泊。匆匆過任邱。古情空寄托。

其二

徑抱女牆斜。林依古塔曲。薄言遠行人。聊以展游目。

趙北口

去年趙北口。楊柳垂芳條。今年趙北口。水雪凝清寥。水
涸已不波。百尺空長橋。依藻無游鱗。集岸鮮輕舸。維歲
日。云暮天寒澹無慘。伊余于役人。跋涉因所遭。濁醪行
處。有一醉酬。今宵何必臨春流。暢寫江南謠。

易水雜詠

西風千載尚蕭蕭。易水寒波夕復朝。當日衣冠送卿處。
壯心到此自魂銷。

其二

碣石風開推上席。黃金日照重高臺。五華樓外三峯遠。

戶。清。樓。閣。身。
獨。有。仙。人。望。不。來。

卷十九

其三

最。上。重。關。控。古。隄。
滿。天。晴。翠。接。山。西。
紫。荆。嶺。上。真。形。勝。
千。里。中。原。夕。照。低。

其四

窮。獨。山。中。泉。始。流。
淵。渟。聖。女。繞。城。陔。
水。承。督。亢。支。條。盛。
沃。有。神。皇。是。此。州。

白溝河

平。原。蒼。莽。天。風。迺。
欲。下。不。下。餓。鷹。愁。
駢。車。曉。出。易。城。道。
沙。寒。水。恆。臨。白。溝。
白。溝。河。水。承。督。亢。
滙。爲。波。浸。交。支。流。

分控三關作襟帶。薊門燁樹通長郵。憶昔宋遼轉戰日。
此溝割斷如鴻溝。中原一髮亘南北。秋高塞馬無時休。
方今一統歸金甌。燕雲十六攝上游。中山趙代齊魯鄒。
一一拱向連星游。揭來俯仰追其由。宋祖擲棄非良謀。
此溝之水今湯沐。問渡誰不趨。皇州。

涿州過樓桑村

桑陰如蓋覆層雲。昭烈重開漢室勳。志合君臣孚一德。
氣吞吳魏定三分。碧雞坊自秋風遠。涿鹿村猶夕照曛。
經過里居餘想像。由來發跡有祥氛。

琉璃河

落日寒沙外。清漪十丈波。塵容過自照。客騎渡偏多。遙接中都邑。斜連上谷坡。石橋餘柳樹。春色更如何。

曉發良鄉

曉光早自日邊來。遙望雲天闕。闕開千古高。名慚毅。行凌風。又到小金臺。

題李秣堂考功醒園圖

雲龍山外羅江明。雲龍山側潯江清。芙蓉溪水界其北。倒流山影搖空青。就中醒園枕山麓。園勢黃綠架厓谷。以山爲園。園卽山。十步一樓。五步一屋。綿竹風煙半在家。酣酣春色濃陰斜。松樹圍溪萬重翠。桃花夾徑千層霞。

主人當今紫霄客。才儷。卿雲擅文席。高車駟馬昇仙橋。
那許優游住泉石。繪圖却作宗炳遊。春明暇日懷林丘。
三巴一線望天末。竹寒沙碧仙人洲。場來把袂隔五載。
笑向圖中論真宰。雪梅爲嶺月爲岡。出使新回自南海。
南海詩篇西蜀才。逸氣遠逐峨眉來。浣花溪畔少陵宅。
西笮堤邊司馬臺。文章舊澤承家久。自古風騷落名手。
錦淙雲樹故園心。要與芬芳同不朽。風光我夢合江亭。
聞說。天地控列星。萬里何年同載酒。蓬萊深處看山屏。

太常吳香亭先生舊居海王村有王新城尚書

所植古藤復發花近移居東街引藤重活繪

圖成卷并自作記招飲出圖屬題諸名公俱

有詩因亦繼聲

范雲遺蹟。三楓亭。坡公舊墨。六榕寺。偶過嘉樹。繫人思。
况是平生。栖止地。新城尚書愛古。海王村畔。詩情增。
鑿坡退食。恣嘯咏。花軒設燕。招賓朋。風流回首。星霜易。
蘇蝕蟲銷。納遺澤。名花却發。長卿枝。新陰誰繼。騷人席。
香亭先生尋古歡。拳簾一笑。憑雕闌。草木亦關風雅數。
枯榮獨出塵埃看。朝罷從容坐。書屋舊低。新掩幽懷足。
紫雲滿架。捎疎槐。清風匝地。纏修竹。庾園謝墅。何須誇。
劇憐嘉話。留京華。尚書去後。辨香近。古藤不老。重咨嗟。

謁來移向東街去。此藤彷彿甘棠樹。果然蒼石見文章。
分枝亦作詩人具。五年貶子羈春明。許從兩地看繁英。
卽今招邀到香寢。蟠拏一角蒼煙橫。繪圖自寫林泉記。
俯仰獨得蘭亭意。名公小佳豈偶然。芳卉于人頗解事。
長安三月回春風。收却珊瑚鐵網中。更擬西山移柿句。
依稀逸韻追詩翁。漁洋存西山移柿詩
載古夫于亭藁中

曹劔亭前輩招飲朱藤花下

海棠紅過春風顛。長安鶯老啼殘煙。朱藤欄開媚新夏。
繁霞照眼爭芳妍。先生招我坐幽石。花下羅賓敞瑤席。
葡萄之酒金叵羅。滿勸酡顏醉今夕。紛垂瓔珞留濃陰。

香清葉密雲沉沉。坐見蛟螭繞牆角。蟠拏古幹千年深。
當前指點流光轉。前輩風騷寄高館。西屋接葉漁洋松。
一木一花歌勿剪。平泉此亦傳餘芬。先生大雅扶其輪。
卽今招邀命儔侶。狂歌許我江南人。江南櫻筍渺千里。
且愛芳辰對知己。誰譜當筵主客圖。花枝酒海長懷此。

聞喜宴歸作

敢云薄技擅蟲雕。宴趁櫻桃仙露饒。一日看花吟十里。
廿年剪燭試三條。經緯夜雪懷重席。親舍晨雲望遠霄。
幸忝科名須自策。蒲帆幾輩悵江潮。

用羅隱詩

呈座師大司空菑拙修先生少宰王偉人先生

少宗伯阿爾齊先生

當代誰扶大雅輪。斯文有體返清真。勤披碧海垂仙網。
欣托青雲屬後塵。佳品盡看天下士。遠期深愧眼中人。
絃聲鑾迹知非偶。敢說滄江遲暮春。

汪訥菴水部招同朱竹君學士曹習菴中允程
魚門吏部張瘦銅蔣香涇兩同年爲草橋之
遊歸飲分韻得葉字

出郭卽滄洲。便覺心賞愜。郊南徑逶迤。十里晴煙接。蔓
草出幽花。修柯動秋葉。潭淨波且漪。荷殘翠猶疊。魚緣
泣草橋。勝引紆游睫。橋下通寒流。清淺冒菱萋。遐情縝。

江鄉顧言蕩小艤。風來送餘善。何必若與雲。佇懷古賢。
香風流渺難躡。萬柳雲已空。匏瓜露徒裊。漠漠水田交。
輕鷗鷺。喋此間。冥塵。驚遺趣。亦可涉。同懷荷招邀。襍
坐意。逾淡。天澄澹。將暮歸。軫依斜堦。開軒命金尊。極懽
醉紅頰。良會安能忘。申歌愧妍捷。

程魚門吏部招同竹君學士習菴中九詠菴水

邵瘦銅香涇雨同年遊西郊王氏園分韻得

未字

夕陽下。遙峯澹雲襯。嵐氣郊西幽興多。稍遠塵土沸。透
迤過名園。徑曲半隱蔚。斜橋穿邃石。虛闌委寒卉。樹老

禽猶喧。溪深魚不畏。古堂倚仰壑。蒼蹟緬無既。眷言章。
杜家猶有風。流未永寧舊盤桓。光德昔塗墜。衣香履迹
存。遺芬歷久貴。殘經尙憶韋。古笏彌思魏。恂恂見子孫。
起敬深永懷。豈少金谷華。香消轉無味。惟有古權留餘
風。尚。鬚。題。竹。老。詩。翁。招。邀。具。遊。費。連。襪。共。灑。然。尋。芳
互。撫。慰。吟。篇。出。將。壇。驚。走。慚。下。尉。常。顧。訪。林。亭。煙。霞。滌
腸。胃。

題徐茗園同年負米圖

寧。愛。千。鍾。粟。而。忘。負。米。時。陔。南。多。至。樂。堂。北。有。深。慈。孺。
慕。歸。前。切。親。恩。客。裡。知。家。園。風。月。好。行。矣。及。秋。期。

其二

泥。金。昨。夜。信。藉。以。報。春。暉。苑。露。分。紅。餅。江。雲。送。綠。衣。吳
山。懷。翠。嶼。長。水。指。煙。扉。愧。我。畱。京。久。瞻。依。何。日。歸。